



67

IESVM CHRISTVM,
OPTIMVM, MAXIMVM, TOTIVS TERRARVM
ORBIS PRINCIPEM, RECENS
GENITVM,
IPSO DIE,
NATALIBVS EIVS SACRO,

A. D. XXV. DEC. A. O. R. c1o 10cc LI.
PIE ADORANT,
SCHOLAE CATHEDRALIS, QVAE NVMBV RGI
EST, ALVMNI,
ORDINI I. ADSCRIPTI,

PER
IOANNEM GOTTL0B BITTORFIVM,
WITTEMBERG.



NVMBV RGI,
STANNO IO. GVILIELMI BOS0EGELII, PRIVIL. TYPOGR.



Gallia de nato jam principe laeta triumphat,
Laetitiaque animi vix capit ipsa sui.
Mittit ad externas prosperantia nuncia terras,
Atque voluptatem participare jubet.
Ecce! fremit plausu, atque animo quae gaudia cepit,
Discupit innumeris significare modis.
Aera displois tormenta fragoribus implent,
Pulsaque in excelsis turribus aera sonant.
Omnis concurrat, soboli atque parentibus omnis
Turba hominum gaudens prospera fata canit.
Pars adeunt suavi resonantia carmine templa,
Parsque domi celebrant supplice voce Deum.
Munera mittuntur, festivis ignibus urbes
Collucent, Bacchi copia larga fluit.
Foedere conjugii sociantur mille puellae;
Conjugii subeunt foedera mille viri.
Splendida curantur convivia, largius omnes
Luxuriant potu, luxuriantque cibo.
Regia testantur variam spectacula pompam,
Lusibus haud solitis turba soluta vacat.
Illa recens genitus populis dedit otia princeps;
Illa animi populi signa dedere sui.
Laetitia tibi nemo tuam, tibi nemo triumphos,
Invideat munus, Gallia, nemo tibi.
Sed majora refert jam munera nuncius aether,
Munera, quae totus, qua patet, orbis habet.

Divina terris ab origine nascitur INFANS,
Accinit, a coeli mittitur axe PVER.
Imperio aeterno totum complectitur orbem,
Limitibus regnum, temporibusque, caret.
Aeternus DEVS est, sua qui primordia rebus,
Cumque suis fines legibus, ipse dedit.
Aeternus PATER est, homines, genus illius estis,
Perpetuo in natos ardet amore tuos.
ILLE hodie fragiles vestros, Deus, induit artus,
Virgine de casta nascitur ILLE Puer.
Ut fratres proprios SIBI vos adsciscat, ab EIVS
Ut sitis sanguis sanguine, carne caro.
Regni ut vos habeat socios super astra patentis,
Imperium ut vobis dividat omne suum.
ILLE quidem in vestris pauper versabitur oris,
Ne formam ILLIVS temnite, servus erit.
Ecce! domus stabulum est, pecori nulla arte paratum,
Pro lecto in foenis, straminibusque, jacet.
Vilia pro nitidis premit hic praesepia cunis,
Et viles panni membra tenella tegunt.
Sic puer accipitur, nec, si processerit aetas,
Fortuna dabitur prosperiore frui.
Ales habet, ramis suspensa cubilia, nidos,
Speluncam vulpes, qua requiescat, habet.
At rerum DOMINO terrae, mirabile dictu!
Non, ubi reclinet tempora fessa, dabunt.
Nec fatis, infandis odiis vexabitur, IPSE
Totus amor, bonitas, gratia, vita, salus.
Horresco referens, diro cruciata dolore
Membra haec sunt quondam subjicienda neci.
At sic, quae stringunt vos, durae vincula mortis
Rumpet, et expediet subdita colla stygi.
Et sic imperiis inimicos exuet omnes,
His pede suppositum comminuetque caput.
At caput IPSE SVVM radians super alta levabit
Sidera, vos certa ducet ad astra via.
Et secum positos regali in sede, jubebit
Promissi imperii scepra tenere sui.
Gaudia, mortales, hoc Rege capeffite nato,
Laetitiamque novis significate modis.

ILLIVS pedibus procumbite, plaudite palmis,
 Devotas casto pectore ferte preces.
 Omnibus infolito templis indicite honorem,
 Haec est ante omnes festa putanda dies.
 In laudes PVERI facundas solvite linguas;
 Jucundos laeto fundite ab ore modos.
 Aurea, sive ipso si quid pretiosius auro
 Est praesto, larga munera ferte manu.
 Dixerat. At nobis, REX regum, MAXIME PRINCEPS,
 Sollicitis precibus saepe petitus ades.
 Accipimus merito TE plausibus; ore, manuque,
 Laetitia, et toto corpore, signa damus.
 Volvimur ante pedes, TIBI figimus oscula, dona
 Parva, nisi spernis, pectora nostra damus.
 Pectora nostra damus, nec, quamvis vilia, spernis;
 Vel tenue officium mens generosa probat.
 Ista et amore TVI flagrant, et amore Parentis,
 Haec, memini, pietas saepe probata TIBI est.
 Ista TVVM merito numen venerantur honore,
 Ista solent pacem poscere saepe TVAM.
 Haec subjecta TIBI, TE supplice voce precantur,
 Ut sint imperii pars modo parva TVI.
 Jam TIBI sollempni dudum sunt foedere juncta,
 Cum consecratis abluerentur aquis.
 Fronte igitur placida veteranos accipe cives,
 Ne nos a facie, quaeso, repelle TVA.
 Adsumus obsequium TIBI jam praestare parati,
 Fac, cives regni sumus ut usque TVI.



78 M 496

ULB Halle 3
001 618 148



TA-506
K118
1017





IESVM CHRISTVM,

OPTIMVM, MAXIMVM, TOTIVS TERRARVM
ORBIS PRINCIPEM, RECENS
GENITVM,
IPSO DIE,

NA
SCHO

EIVS SACRO,

. O. R. clb lccc li.

ORANT,

LIS, QVAE NVMBVRGI

VMNI,

ADSCRIPTI,

OB BITTORFIVM,
BERG.

VRGI,

OEGLII, PRIVIL. TYPOGR.



AK

